



PORTAVÓS VI GOVERN U KONSTITUSIONÁL



KOMUNIKADU BA MEDIA

Díli, Loron 18 fulan-jullu tinan 2017

Debate kona-ba apoiu kreximentu ba setór públiku no privadu

Meza-kabuár ida entre setór públiku no setór privadu, hala'o iha Timor Plaza, iha loron 14 fulan-jullu, sai hanesan ezemplu ida kon-ba aproximasaun inkluziva husi Governu Konstitusionál VI no importánsia ne'ebé Governu fó apoiu ba kreximentu setór privadu ida ne'ebé forte no dinámiku, atubele alkansa dezvoltimentu ekonómiku sustentavel ida iha nasaun ne'e.

Primeiru-Ministru iha Ezersísio, Agio Pereira, iha ninia intervensaun maklokek nian, hateten: "Promosaun diálogu entre setór públiku no setór privadu importante tebes atu alkansa ita-nia objetivu komún sira dezvoltimentu sustentavel no diversifikasaun ekonomia nian." Nia hahii Ministru Estadu, Koodenadór Asuntus Ekonómikus no Ministru Agrikultura no Peskas, Estanislau da Silva, no ninia ekipa ba iniciativa ida-ne'e.

Ida-ne'e hanesan sorumutuk datoluk iha âmbito "Matadalan ba reforma no fomentu ekonómiku Timor-Leste tinan 2015-2017 nian", ho objetivu governamentál atu promove investimentu privadu, dudu diversifikasaun ekonómika no apoia sustentabilidade empregu iha nasaun ne'e. Hahú kedas adosaun Matadalan ne'e nian, ne'ebé tama iha kontestu ne'ebé luan liu husi Planu Dezenvolvimentu Estratéjiku tinan 2011-2030, Governu la'o tuir ona ninia rekomendasaun sira husi Matadalan ne'e atu "aselera prosesu dezvoltimentu ekonómiku ba tempu badak no tempu médiu, iha tempu hanesan estabelese baze sira ba dezvoltimentu ba prazu naruk Timor-Leste nian".

Tuirmai, na'i-ulun ne'e temi kona-ba kondisaun sira ne'ebé Governu dezenvolve ona atu promove dezvoltimentu setór privadu nian. Kondisaun sira-ne'e ida maka konstrusaun infraestrutura ekonómika esensial sira, dezvoltimentu rekursus umanus, favoresimentu investimentu nian ba kriaun empreza sira, promosaun kooperasaun no promosaun parseira, promosaun administrasaun públika profisionál ida no kombate hasoru korrupsaun, iha ambiente estavel ida no iha pás sosiál.

Sorumutuk sira hanesan ne'e hakbesik Governu ba sidadaun no iha sorumutuk hirak-ne'e maka Komisaun Nasionál ba Fasilitasaun Komérsiu no Auditoria Sosiál partisipa nafatin.

Primeiru-Ministru iha Ezersísio fó aten-barani ba membru sira setór privadu nian atu "assume, ho responsabilidade no kompromisu, misaun dezvoltimentu empreza nian ida-ne'e, ne'ebé fó vantajen ba Timor-Leste, hodi loke kapitulu foun ida iha ita-nia istória, iha ne'ebé setór privadu, no la'ós Estadu de'it, mak dudu kreximentu ekonómiku no projeta país iha nivel rejionál no globál". No nia sente haksolok ho interasaun husi setór públiku no privadu sira, ne'ebé "bele, iha análise ikus nian, fó benefisiu ba ita-nia ekonomia, ita-nia povu no ita-nia nasaun".**REMATA**



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-lesste.gov.tl